

- Defensa do patrimonio natural e paisaxístico
- Non aos recheos na Ría
- Defensa dos nosos montes e espazos naturais
- Ampliación das Zonas Verde en todos os barrios e parroquias

**5. Defensa do patrimonio natural e paisaxístico**

· Non aos recheos na Ría

· Defensa dos nosos montes e espazos naturais

· Ampliación das Zonas Verde en todos os barrios e parroquias

**4. Fomento, compromiso e apoio da cultura popular e aos barrios e parroquias**

· Aplicación íntegra da Ordenanza Municipal de Normalización Lingüística e Secundaria no centro da cidade

· Política de promoción de centros públicos de Primaria e Secundaria no

**3. Por uns orzamentos de progreso, participativos, que garantan o funcionamento dos servizos públicos**

· Non ás privatizacións

· Reversión das contratas e Municipalización

**2. Por un urbanismo sustentable social e ecoloxicamente**

· Non ao PXOM actual por un Novo Plan Xeral elaborado democraticamente co participación popular

· Área Metropolitana de Vigo con participación popular e obreira, xestionada democraticamente, que implante servizos públicos, baratos e asequíbeis a todo o pobo.

· Pola implantación xa dun transporte metropolitano, orientada ao sur, cara o río Miño (Área de Turonio)

**1. Desenvolvemento dunha democracia real e participativa**

· Aplicación dos Referendums

· Descentralización política e administrativa do Concello: Distrito, Parroquia, etc.

· Compromiso na loita contra a corrupción e a especulación

· Transparencia na xestión pública

- Apoio á Cooperación Internacional
- Pola Paz

### 13. Por un Vigo solidario

- Defensa dos dereitos da muller
- Dereitos dos cidadáns con independencia da orientación sexual

### 12. Políticas de igualdade

- Combate ao narcotráfico
- Crianzas, maiores, discapacitados, inmigración, mocidade, marxinação social

### 11. Políticas de Benestar Social

- Recuperación do tranvía (ecolóxico e sustentábel)
- Mais parking públicos
- Popularización dos prezos dos transportes públicos
- Por un Porto ao servizo da cidade
- Impulso e mellora do transporte público e metropolitano

### 10. Infraestruturas de transporte necesarias para a cidade

### 9. Creación de vivendas públicas para venda e aluguer

- Non mais exaltacións do militarismo coma os festivais aéreos
- Recuperación permanente da memoria histórica
- Derrube da Cruz do Castro, un dos últimos símbolos nazis da cidade

### 8. Eliminación da simboloxía fascista

### 7. Comportamento laico dos representantes públicos, da Corporación e do Concello como institución

### 6. Compromiso pola creación de emprego estable e de calidade nos servizos públicos prestados polo Concello

## PROGRAMA DE MÍNIMOS

ELECCIÓNS MUNICIPAIS VIGO 2011

## MONCHO LAREU RIVEIRO

### CANDIDATURA

- ORIANA MÉNDEZ FUENTES
- ALBERTO ARDID DE CABO
- CATI MARTÍNEZ COLLAZO
- ALBERTO LEMA SUÁREZ
- SILVIA PENAS ESTÉVEZ
- XOSÉ LOIS ROMERO FALQUE
- MIRIAM RODRÍGUEZ DOMÍNGUEZ
- ALFONSO CASTAÑO HERNÁNDEZ
- SANDRA BLANCO FERNÁNDEZ
- FRANCISCO SAMPEDRO OJEDA
- PAULA FERNÁNDEZ GONZÁLEZ
- ANXO ANGUEIRA VITURRO
- EIRE GARCÍA CID
- AITOR RIVAS RODRÍGUEZ
- ALEXANDRA GARCÍA GARRIDO
- ARXIMIRO BLANCO COSTAS
- VANESA ÁLVAREZ ÁLVAREZ
- MARÍA DO MAR FERNÁNDEZ PÉREZ
- BRAIS GONZÁLEZ PÉREZ
- CHUS FERRÍN IGLESIAS
- MIGUEL RODRÍGUEZ DE DIOS
- ESTELA GÓMEZ OTERO
- IAGO CASTRO BUERGER
- MARÍA XOSÉ RÍAL CONDE
- XOAN CARLOS DE DIOS GONZÁLEZ
- LAURA SOUSA SÁNCHEZ
- CALÍS PATO DÍAZ
- XIANA LÓPEZ PENEDO

**TRABALLADOR, TRABALLADORA  
PON A ESQUERDA DE VIGO NO CONCELLO**



S O M O S  
A G L A S E  
O B R E I R A  
S O M O S  
A M A I O R I A  
V O T A F P G

## 1. O PXOM

Propugna a FPG un planeamento en función dos intereses xerais, non particulares; e posiciónase contra a especulación e a corrupción.

A Frente Popular Galega REXEITA O ACTUAL PLAN XERAL por especulativo, por non responder ás necesidades do pobo de Vigo, polas dúbidas que sementou ao seu redor, por tentar legalizar o ilegal para tapar así construcións que se verían abocadas ao derrube por non se axearar á lei vixente, por destruír o noso medio rural (riqueza en perigo de extinción). Os tres partidos da corporación PP-BNG-PSOE son cómplices de que os vigueses e as viguesas teñamos un PXOM irrealizábel que non pasou os filtros da consellería de medioambiente e que daba resposta á idea da burbulla inmobiliaria. Esta burbulla ou proxecto financeiro-especulativo foi o berce da actual crise económica.

De maneira que RECLAMA a FPG un novo PXOM e a apertura dun novo debate sobre o modelo de cidade que queremos. Esiximos un Plan Xeral elaborado coa participación do pobo, dos traballadores e traballadoras, da veciñanza, dos sindicatos, organizacións sociais e ecoloxistas.

Ante os numerosos casos de irregularidades na concesión de licenzas municipais e ante as continuas sentenzas xudiciais que ordenan derrubes de edificacións que logo non se executan por inviability económica do Concello, PROPON a FPG que se esixan responsabilidades aos concelleiros e concelleiras e ao persoal técnico que de forma negligente informasen e/ou concedesen licenzas ilegais.

## 2. TREN DE CERCANÍAS E TRANSPORTE METROPOLITANO

Esiximos a volver a definir a futura estación do AVE de Urzaiz para que sexa unha estación intermodal, isto é que nela conflúan os diversos medios de transporte público colectivos. Unha estación que conecte o AVE, co tren de proximidade e proximidade que vertebrará toda a área metropolitana con comunicacións por tren entre todos os concellos. A estación deberá ser sede do transporte por autobús metropolitano e urbano de Vigo. Esta comunicación por autobús deberá privilexiar a comunicación co transporte de Ría cara o Morrazo.

NON Á AMPLIACIÓN DA PONTE DE RANDE AP9.  
NON Á A59.  
NON AO DESMANTELAMENTO DAS VÍAS DO TREN.  
SI AO TRANSPORTE COLECTIVO, PÚBLICO E ASEQUIBEL.

## 3. A VIVENDA

A especulación, a dificultade de acceder ao crédito hipotecario, e no caso de acceder, o elevado custe das mesmas converten a vida da maioría das persoas nunha hipoteca case indefinida. O alugueiro, as condicións das vivendas e o deterioramento destas son problemas de primeira orde, nomeadamente no caso da mocidade.

RECLAMA a FPG o avance decidido nos plans de rehabilitación do Casco Vello e a súa ocupación plena como zona residencial, a partir das necesarias reformas nos edificios de propiedade municipal (uns 8.000 metros cadrados, segundo informacións) como na concesión de axudas aos propietarios dos inmobles, e a PROMOCIÓN DE VIVENDAS (Convenios Xunta-Concello) DE PROTECCIÓN SOCIAL, en réxime de alugueiro a prezos referenciados cos salarios, ou sexa en base a unha porcentaxe dos mesmos.

Propónse a creación dun ente público para a xestión do alugueiro dos pisos baleiros como sistema de abaratamento do prezo da vivenda e para quitar a razón a aqueles que pretenden un crecemento desmedido da edificación. FACILITARASE A INFRAESTRUTURA NECESARIA PARA A CONVIVENCIA DA XENTE NOVA. Cesión de edificios municipais para a organización da mocidade e para o desenvolvemento de actividades culturais como para a diversión.

O Concello procederá á CESIÓN DE SOLO URBANIZABLE para facilitar os convenios entre institucións para a citada promoción da vivenda pública.

## 4. POLÍTICA DA AUGA. A RÍA DE VIGO: recheos, depuradora. DEFENSA DO MEDIO AMBIENTE. A ENERXIA

Recuperación da xestión pública dos servizos de abastecemento e saneamento das augas.

Planificación nacional destes servizos e xestión pública na perspectiva comarcal e da área metropolitana. Non á nova Lei de Augas da Xunta do PP.

NON ADMITE A FPG nin un centímetro cadrado máis de recheo na Ría. Non máis ocupación da lámina de auga do mar de Vigo. Expulsión das áreas portuarias de Bouzas e do Berbés de empresas non relacionadas directamente co uso portuario. Recuperación do litoral Teis-Guía, así como do parque d'A Guía.

SANEAMENTO TOTAL da Ría. Oposición a unha Macro-depuradora que concentre todo o tratamento das augas residuais e que condene á morte a unha importante zona húmida como é a xunqueira de Lagares e ao desprazamento vital da veciñanza de Coruxo. Estamos pola construción de pequenas depuradoras, que non teñen por que estar situadas na beiramar nin á beira dos ríos; como tampouco deberan desaugar directamente ao mar, pois enténdese que a auga que emitan será auga «depurada», ou sexa, válida para o regadío ou para outros usos non domésticos.

Separación das augas pluviais das augas fecais. «Non queremos Medio Ambiente, queremos enteiro», como se di nas pancartas. Atención prioritaria ás emisións tóxicas e de CO<sub>2</sub>; restrición do tránsito de vehículos a motor polo centro de Vigo, mellora e abaratamento do transporte público.

## 5. DEMOCRATIZACIÓN DA VIDA MUNICIPAL

Os homes e mulleres de Vigo non teñen poder algún nas tomas de decisións de especial relevancia. Non se pode intervir directamente na política pois cédense os dereitos das persoas a concelleiros e concelleiras aínda que despois poidan desilusionar. A cidadanía non ten en realidade ningunha capacidade decisoria no concello e ten que delegar un poder enorme nunha agrupación política. A maioría das asociacións veciñais son reféns do Concello que as mantén e que mantén as súas sedes sociais. CONSIDERAMOS NECESARIA a elaboración dun REGULAMENTO DE PARTICIPACIÓN CIDADÁ que se establezan sistemas onde tal participación non se vexa sometida ao filtro das AAVV. Propoñemos a creación de Consellos Parroquiais e de Barrio, coas súas Asembleas respectivas, na perspectiva da reivindicación e esixencia ante a Xunta de Galicia do recoñecemento xurídico e administrativo destes entes tradicionais e plenamente vixentes de asentamento da poboación rural e urbana. ATENCIÓN ESPECIAL Á PARTICIPACIÓN DA MOCIDADE NA ELABORACIÓN DE POLÍTICAS ORIENTADAS A FACILITAR A VIDA DA XENTE NOVA NO SEU MÁIS AMPLO SENTIDO. O goberno municipal debe contemplar na súa propia estrutura unha área especial de atención á mocidade.

## 6. ÁREA METROPOLITANA E EURO-REXIÓN GALICIA-NORTE DE PORTUGAL

A ordenación do territorio, o estudo das infraestruturas de comunicación e de transporte, os servizos públicos, deberán ser planificados para demarcacións territoriais máis amplas que o concello. O desenvolvemento socio-económico, as tendencias de crecemento industrial e comercial obrigan a un tratamento estratéxico desde a área metropolitana de Vigo (que a FPG concibe orientada ao sur, até o río Miño; mentres o Morrazo constitúe outra área diferente, aínda en relación íntima con esta) e desde o ámbito da Euro-rexión Galicia-Norte de Portugal, onde Vigo e Porto aparecen significados como os dous polos de maior transcendencia. Desde esta perspectiva é desde a que se deben formular as necesidades. Faise prioritaria a comunicación en malla ou en rede dentro de Galicia (Vigo-Lugo, por exemplo) e coas cidades do Eixe Atlántico. As necesidades en materia de ferrocarril deben contemplar o transporte de viaxeiros e o de mercadorías.

## 7. DA LINGUA GALEGA E DA CULTURA

Aplicación efectiva da Ordenanza Municipal de Normalización Lingüística. Aprobación definitiva do Plano de Normalización Lingüística. Debe a xente considerar no seu exercicio do dereito a voto a reclamación de que as persoas membro do goberno municipal deben dar exemplo permanente de instalación e atención á galeguización en todos os aspectos da vida: nos discursos, nas intervencións plenarias, nas declaracións á prensa, nos eventos culturais e

deportivos de masas, etc. DEBE SER O GALEGO VEHÍCULO PERMANENTE DE COMUNICACIÓN NA ACTIVIDADE MUNICIPAL.

Creación e dotación de bibliotecas en todas as parroquias. Locais e infraestruturas de titularidade e financiamento municipal para o desenvolvemento da arte e da cultura nas súas distintas manifestacións, con especial apoio á mocidade e á terceira idade. Atención e coidado do Arquivo e da Hemeroteca municipais, actualmente ubicada nunha dependencia do garaxe do Concello e absolutamente desatendida. Nova ubicación, permitindo o acceso regulado do pobo e debidamente atendida por profesionais. Atención e defensa do patrimonio histórico. Catalogación e musealización dos achádegos.

## 8. ENSINO

Preocupa na FPG o deterioro do ensino: a escaseza de centros públicos de educación infantil, de primaria e de secundaria no centro da cidade deben suscitar unha particular atención do goberno municipal prevendo a cesión de terreos necesaria para a construción de novos centros. Deberá o goberno municipal PRIORIZAR O CIDADADO DOS CENTROS PÚBLICOS, como deberá facilitar a vida familiar cun eficaz e puntual transporte escolar e coa organización de bos comedores escolares a prezos económicos. Deberase buscar o establecemento dunha íntima relación entre a cidade e os centros de ensino, que sexan continuación os uns dos outros e que as horas de utilización das instalacións culturais e deportivas deben ser as necesarias para a mellora no desenvolvemento físico e saudable dos rapaces e das rapazas.

## 9. SANIDADE E SAÚDE

Preocupación pola saúde da poboación debe atravesar todos os eidos da política municipal: no abastecemento de auga e no saneamento; na situación sanitaria dos locais públicos; no control dos alimentos que se atopan nos andeis das tendas e dos hipermercados; na vixilancia permanente sobre a contaminación;... Dotación de espazos e terreo público para a construción dos centros sanitarios públicos necesarios. Estado de atención e reivindicación constante de política de saúde para toda a poboación, contemplada de xeito universal.

## 10. DEPORTE

Apoio importante ao deporte base e non profesional, nomeadamente nos centros de ensino. Atención ao desenvolvemento das agrupacións, clubes e asociacións deportivas así como á dotación de infraestruturas para uso xeral. Promoción do deporte autóctono e tradicional.

## 11. COMUNICACIÓN. TIC's

Dotación necesaria para medios de comunicación de titularidade municipal (periódico, emisora de radio, canle de televisión). Deseño e elaboración dunha eficaz Web municipal: para información xeral e para axilizar os trámites administrativos. Atención preferente ao desenvolvemento das Tecnoloxías da Información e Comunicación. Extensión progresiva das mesmas a todos os ámbitos e sectores cidadáns. Dotación municipal de servizos informáticos de uso público con acceso gratuito a internet. Priorización e xeralización do software libre, non propietario, e dos estándares abertos.

## 12. DA ECONOMÍA, DO BENESTAR SOCIAL

CRÍTICA DO FINANCIAMENTO MUNICIPAL. O raquitismo e o populismo no autofinanciamento dos concellos propicia o exercicio do poder clientelar das Deputacións e o caciquismo, vía política de subvención. A FPG reclama unha maior autonomía municipal e considera imprescindible a liquidación dos feudos provinciais, aínda que iso requira un maior esforzo impositivo dos cidadáns, pero, sobre todo, que deben tributar de xeito especial son as entidades financeiras, as grandes industrias e os hipermercados. PROMOCIÓN INDUSTRIAL E POLÍTICA DE EMPREGO. Vixilancia ante a DESLOCALIZACIÓN INDUSTRIAL: establecemento de cláusulas de penalización no caso de deslocalización de empresas. Devolución de subvencións no caso de liquidación de actividades produtivas.

Dotación de solo industrial suficiente para a instalación de empresas.

Fomento do emprego para persoas de orixe autóctona ou inmigrante, sen diferenza de ningún tipo. Políticas tendentes a que o saldo migratorio sexa favorable a Galicia; aplicación de políticas que impidan a nova emigración de galegos e de galegas no noso tempo.

## 13. LAICISMO. ANTIFASCISMO. PRINCIPIOS REPUBLICANOS

Esixe a FPG un comportamento LAICO dos representantes municipais e do Concello como institución. ELIMINACIÓN inmediata de toda a simboloxía fascista e aplicación dunha política de permanente recuperación da memoria histórica. Polo derrube inmediato da Cruz do Castro un dos últimos símbolos nazis en Vigo. Orientarán á FPG no desenvolvemento da súa política municipal os principios republicanos de igualdade, de liberdade e de irmandade, apoiaremos desde o Concello todo movemento popular que defenda os dereitos das traballadoras e dos traballadores, desde as fábricas, os barrios, etc. Defensa dos dereitos da muller e de todos os cidadáns e cidadás con independencia da súa orientación sexual. Queremos un Vigo solidario: entre os seus habitantes, naturais e inmigrantes, como cara a fóra, coa posta en práctica de políticas directas de cooperación e co apoio a organismos de axuda ao desenvolvemento.

## 14. A CLASE OBREIRA AO CONCELLO

Somos á clase obreira, somos a maioría. Vigo é a primeira cidade industrial de Galicia, a maioría da veciñanza somos traballadores e traballadoras asalariadas que estamos a soportar as medidas máis crueis do capitalismo salvaxe na crise sistémica máis profunda e da que non somos responsábeis. O ataque sistemático aos dereitos dos traballadores e traballadoras, a destrución de emprego facilitada polo actual goberno do PSOE coa complicidade do PP, están a provocar unha auténtica ruína na nosa cidade na que o pobo non pode sobrevivir con dignidade. Reclamamos a presenza de obreiros e obreiras de esquerdas no Concello que esixan e implanten medidas socialistas en defensa dos servizos públicos, dos intereses de todo o pobo e ao servizo da clase obreira. Pola municipalización de todos os servizos públicos, privatizados e baixo contratos. Esiximos a xestión pública de todos e cada un deles, dende a auga, transporte urbano e o lixo, á recadación executiva e as bibliotecas públicas, etc..

## 15. POLA LIBERACIÓN NACIONAL SOCIAL DE GALICIA

Reclamará a FPG no Concello unha política de apoio e impulso ao proceso de emancipación nacional de Galicia. Vigo ten que ter un papel protagonista na reclamación dos dereitos políticos que lle asisten ao pobo galego á Autodeterminación Nacional. Como partido esiximos o exercicio deste dereito na dirección dunha República Galega Independente. Vigo ten que ser o cerne do futuro Poder Popular que leve á Nación Galega cara o Socialismo.

## 16. IGUALDADE REAL ENTRE MULLERES E HOMES

Defendemos a igualdade real entre mulleres e homes en todos os aspectos da vida política, social, laboral, económica e cultural. Este é un obxectivo que o Concello ten que situar como prioritario, xa que é este un dos eidos nos que malia a toda a lexislación desenvolvida aínda resta moito para acadar a súa realización e os avances veñen sendo moi cativos. Por iso reclamamos que se lle dea o maior impulso á loita feminista concretando isto de partida coa creación dunha Concillería de Igualdade. A FPG rexeita a Lei de Familia polo seu carácter retrógrado, que devolve a muller ao seu rol tradicional de nai coidadora. Rexeitamos a Lei de Apoio á Familia e á Convivencia de Galiza que vén de aprobar a Xunta do PP polo seu carácter retrógrado e a profunda carga ideolóxica que soporta. Nela, a maternidade enténdese como rol principal das mulleres, o que supón o control da súa vida sexual e a pretensión de reforzar o concepto de familia patriarcal. Así mesmo, introduce dereitos para os non natos, impedindo que as mulleres poidan decidir libremente se queren ou non ser nais. Persegue confinadas ao ámbito doméstico co pretexto da baixa natalidade e, deste xeito, ao retiralas do mercado laboral, mellorar a taxa de desemprego global.